

Date – 28/03/2025

Time - 7:30 -7:40Hrs

REGIONAL NEWS BULLETIN

HEADLINES (MORNING)

1. Chief Minister Pu Lalduhoman thalai thi tam lutuk chu titem turin chhungkua atanga bul tan a pawimawh a ti.
2. Aizawl khawpui bawlhhlawh paihna hmun Tuirial ami kang chu thelh mih a nih tak avangin vawiin atangin hawn a ni.
3. Lok Sabha chuan nimin khan Immigration and Foreigners Bill,2025 a pass.
4. Parliament chuan nizan khkan Union Budget 2025-26 a pass.

<><><>

CM

Chief Minister Pu Lalduhoman thalai thi tam lutuk chu titem turin theihtawp chhuah a tul a, chhungkua atanga bul tan a pawimawh thu a sawi.

Nimina Aizawla Assembly Annexe Conference Hall-a Former Legislators' Association of Mizoram (FLAM) General Body Meeting a hmanpuinaah he thu hi sawiin Chief Minister chuan a lo zir chian tawhah a tlangpuiin nula pakhat an thihin tlangval 7 thi zel ang vel a ni a ti a. Thalai leh pavalai thlan a tam hle tih sawiin hmeithai la valai tak tak, eizawna mumal nei si lo an tam a. Heng hi theihtawp chhuaha do tlan a tul tih sawiin a bul chu chhungkua ni a a hriat thu a sawi a ni.

Chief Minister chuan Mizoramah project hrang hrang laktlak loha chhuak a tam thu leh a hlui chu tih hleihtheih a nih tawh loh thu a sawi a. Project reng reng laktlak loha chhuak lo turin tun atanga tan lak a tul avangin sorkarin hmasawna hnathawh hrang hrang viltu tur Mizoram State Project Monitoring Committee a siam a ti a. Sorkar lai atang pawhin member pakhat chauh dah a nih thu leh a bak chu party leh hmun hrang hrang atangin, vawiina hun a hman pui FLAM atang ngei pawhin mi pakhat ruat tel a nih thu a sawi a ni.

Chief Minister chuan FLAM member te chu tunlai thiamna sang tawh takah tar A ni lo tura fuihin kawng hrang hrang inveng turin a fuih a. State danga damlohna thila inenkawlana an tum sak an ni thin chung a zin veivahna pek ni ngai lo chu, tunhnaiah an zin veivahna senso pek tawh tura tih a nih thu a sawi a. Circular awm mek zawm that loh, FLAM member te an zin nikhuuaa airport leh Mizoram house inkara an thlen hlim leh an haw dawna hruai tur tih chu chak zawka kalpui a nih dawn thu a sawi baw a ni.

Ram hruaitu, MLA leh MP lo ni tawh te intelkhawm FLAM hi kumin 1994 a din niin kumin hi a kum 30-na a ni a, tunah hian FLAM member 117 leh Associate Member 59, an vaiin member 176 an awm mek a ni.

<><><>

MP

Urban Development & Poverty Alleviation Department buatsaih District Beautification Competition-a lawmman pakhatna dawngtu Khawzawl District-te chuan project khuhhawna chu DC Office tualah nimin khan an buatsaih a. UD&PA Minister Pu K. Sapdanga chuan he hun a hmanpui a ni.

Pu K. Sapdanga chuan District Beautification Competition chu inelna dangte nen khaikhin chuan inelna danglam tak a nih thu sawiin, pakhatna nihna chuan bultanna a entir chauh a ni, a ti a. Inelna lawmmanah pawh Mizoram chhunga inelna lawmman tam ber tih theih turin pakhatna atanga pathumnate hnenah cheng nuai 50 theuh pek chhuah anih thu sawiin UD&PA Minister chuan he pawisa hmanga Khawzawl khawpui an cheimawina turah mipuite chu duhsakna sang ber a hlan tih a sawi bawk.

District Beautification Competition 2025 hi State Priority Project hnuaiah District lama official ten an District Headquarter chei mawi nan leh khawpui thang zela an District theuha hmasawna daihrei an neih theihna tura duan a ni a. Competition hi nikum December ni 17 khawn tan a ni a, District tin hian an khawpui cheimawina tur leh thawmthatna tur hrang hrang atan District Beautification Detailed Project Report an buatsaih theuh a, he inelna endik tur hian Mizoram University-a Department of Planning & Architecture atanga mi thiam te ruat an ni.

<><><>

COOPERATION MINISTER

Cooperation Minister Pu PC Vanlalruatan ram dan pui duang tu ten ram ei leh bar hmasawn nan cooperative society an ngaipawimawh a, vawiin thleng pawhin a pawimawhna a la reh lo a ti.

Nimina Mizoram State Cooperative Union (MSCU) Golden Jubilee lawmna hun Aizawl Dawrpui venga MSCU Training Hall-a buatsaih a hmanpuinaah he thu hi sawiin Minister chuan MSCU chu cooperative society tha leh thangduang siam tura tul em em a ni a ti a, zirtirna leh inhrilhriatna pek kawnga an hnathawh chu a pawimawh a ti a. Training leh education chu society te tan thahrui a nih thu sawiin, kalphung dik zawk te, thawhho dan te leh hmasawn zel inhrilhhriat a tul thu a sawi a. Sorkar flagship programme hnuaia thlai hralh dan chungchangah pawh society te an pawimawh thu sawiin Minister chuan sorkarin society ten hma an sawn zel theihna turin a theihna chin chin a hma lak a nih tur thu a sawi a ni.

MSCU Golden Jubilee lawmnaa khualzahawm Registrar of Cooperative Societies Pu John LT Sanga pawhin thu sawiin United Nation chuan kum 2025 chu UN International Year of Cooperatives-ah puangin, thupuih 'Cooperatives build a better world' tih thlan a nih thu a sawi a. Hei hian India ramah chauh nilo khawvel huapa Cooperative Society te pawimawhzia a

tichiang a. An thupui thlan 'cooperative society hrang hrang ten khawvel chenna nuam zawk a siam' tih chuan khawtlangah ei leh bara inthlahna nasa lutuk sukiang a, hmasawn nan cooperative society a pawimawh tih a tarlang a ni a ti.

MSCU hi kum 1975 March thla khan din a ni a. A din chhan leh tum ber chu Mizoram chhunga Cooperative Society te hmasawn zel theihna tura zirtirna (Education & Training) pek leh a tul dan ang zela district leh state huapa seminar leh workshop buatsaih a ni.

<><><>

TUIRIAL SWMC

Aizawl khawpui bawlhhlawh paihna hmun Tuiriala Solid Waste Management Center (SWMC) kang chu thelh mih a nih tak avangin vawiin atang hian hawn tan a ni.

Aizawl Municipal Corporation hotuten Akashvani zawhna chhangin kangmei chu nimin zing khawvar vela thelh a nih thu leh meikhu erawh a la nasat thu an sawi a. Nimin khan thuchhuah siamin SWMC chu hawn a nih dawn thu an sawi a, hetihruah hian chhiatna thleng palh thei a nih avangin inven nan AMC thawktute leh bawlhhlawh phur lirthei khalhtute leh anmahni puitute chauh luh theih a ni dawn tih an sawi a. Bawlhhlawh khawm thin te leh pawn lam mi erawh tumah luh an la phal loh thu an sawi a ni.

AMC hotute chuan bawlhhlawh tawihtheilo kara tawih thei awmin biogas a siam thu an sawi a, hei hian kangmei nasa tak a siamchhuah theih avangin mipuite chu tha taka an bawlhhlawh thliar hrang turin an ngen a ni.

<><><>

CUSTOMARY LAW

Mizo Inneih, Inthen leh Rokhawmna Dan ennawntu Committee chu an Chairman, Law&Judicial Addl. Secretary Department Pu Zahmingthanga Ralte hovin Secretariat Conference Hall-ah an thukhawm a. MKHC, CYMA, MHIP, MUP, Women Commission. leh Mizoram BAR Association aiawhte bakah helam a tui mi leh mithiam bik te chu committee-ah hian an tel a ni.

He thutkhawmah hian Inthen leh a kaihnawih hrang hrang naupang enkawltu tur te, inrem leh theih dan tur te, nupui fanau chawmna chungchang leh inthen thulh a Ro insem dan tur lai te ennawn a ni.

Chairman Pu Zahmingthanga Ralte chuan Inneih, Inthen leh Rokhawm chungchangah Kum 2014-a Mizoram Legislative Assembly-in Dan a pass chauh chu hman tawh tur a ni a ti a, nupui pasal inthen tur reng rengin Mizovin Inthen Dan kawng kan neih: Mak, Sumchhuah leh a dang te la hmang tho in Court hnai berah Inthenna lehkha lak tur a nih thusawiin, chung inthen dilmate chu Court-in thla ruk chhungin a chingfel dawn a ni a ti.

Pu Zahmingthanga Ralte chuan tunlaiah Mizo nulate, hnam dang pasal nei eng emawzat Kohhran-in a lo Inkutsuih tir te an awm a. Hengte hian Mizo Inneih Inthenna leh Rokhawmna dan, 2014 hnuaiah Inneihna an kalpui thei lova, Dan chuan a huam lo a ti a. Mizoram-a Inneihna zawng zawng chu Supreme Court thupek angin Law &Judicial Department chuan Veng tin leh Khaw tina Registrar of Marriages kal tlangin a chhin chhiah vek a, Marriage

Registration Certificate a pe thin tih tarlangin he Certificate hi Sawrkar leh Ram dang Sawrkar pawhin an pawm a nih avangin fimkhur taka kal pui a tul a. Mizo hmeichhia ten ram danga harsatna an tawh palh loh nan Inneih sawngbawl leh a Dan hman tur thua fimkhur taka ngaihtuahna hmang turin Mizo mipuite a chah a ni.

He thutkhawmah hian Member-ten siamthat ngai tia an lungrual theihna eng emawzat a awm a. he ennawn hna hi zawh fel thuai tum niin, Zawh fel a nih hunah Sawrkar-in tul a tih angin Legislative Assembly-ah Dan siamthat turin a la pu lut dawn a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

IMMIGRATION LAW

Lok Sabha chuan nimin khan Immigration and Foreigners Bill,2025 a pass. He dan tharah hian sawrkar chuan ramdang atanga rawn pemte enkawl na dan tunlai milin siam anih dawn bakah sawrkar laipui chu passport, zinveivah phalna lekha pawimawh, visa leh inziahlul kawngah thuneihna tam zawk pek a ni ang. Kalphung khirhkan deuh leh dan inkalthelh awm thin titem turin he dan thar hman tur a ni a. Union Home Minister Amit Shaha chuan he bill hi ram venhimna kawngah tun aia tha zawka kal theihna tur anih thu sawiin ramchhung University te khawvel huapa a tha ber pawla siam leh zirbingna research lamah leh thilsiam chhuah hmasawanna kawngah tun aia tha zawkin hmalak anih tur thu a sawi baw k a ni.

<><><>

BUDGET

Parliament chuan nizan khkan Union Budget 2025-26 a pass. Nimin khan Rajya Sabha-ah Finance Bill,2025 leh Appropriation (No.3) Bill, 2025 hi sawiho anih hnuah Lok Sabha ah thawnlet a ni a. Heti hian union budget 2025-26 chungchanga tihtur chu zawhfel a ni a. Lok Sabha chuan tunkar Thawhlehi khan a lo pass tawh a ni. Union Finance Minister Nirmala Sitharaman chuan 2025-26 budget chu chhiah chawi ti tlem a, sumdawna ti awlsam tur leh ramchhunga chhiah petute dinhmun hriatthiampui anih thu a sawi a. Income Tax thar kalpui tur chu awlsam zawkna thlenna tur a nih thu a sawi baw k a ni.

<><><>

UNION HOME MINISTER

Union Home Minsiter Amit Shah-a chuan Hurriyat firfiak pawl nena inzawm helpawl pahnih chu vawiin khan sawrkarah an inpe tih a sawi. Pu Shah-a chuan Jammu and Kashmir atanga inlakhra duh helpawl Tahreeqi Isteqlal leh Tahreek-I-Istiqamat te chuan Prime Minsiter Narendra Modia sawrkarah rinna an ngat ngam tih sawiin helna an kalsan a ti a. Kashmir-a helna chuan

tawp lam a pan mek tih sawiin inpumkhatna lam an hawi chho mek tih a sawi a ni.

<><><>

PM MANN KI BAAT

Prime Minister Narendra Modi chuan Pathianni chawhma dar 11 hian 'Mann Ki Baat' programme-ah ram chhung leh ram pawn mipuite hnenah thu a sawi leh dawn a, Tun tum ami hi a tum 120-na tur a ni ang.

He programme hi Akashvani leh Doordarshan network pumpui, AIR News website leh Newsonair mobile app-ah te tihchhuah a ni ang a, AIR News, DD News, PMO, leh Information and Broadcasting Ministry-a YouTube channel-ah live-stream a ni bawk ang.

<><><>